


# Bibël për fëmijët paraqet



## Muri i Madh i Nehemias



Shkruar nga: Edward Hughes  
Ilustruar nga: Jonathan Hay  
Adaptuar nga: Mary-Anne S.  
Përkthyer nga: Arianit & Valbona Iljazi  
Prodhuar nga: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2024 Bible for Children, Inc.

E drejta e kopjimit: Mund të bëni kopje ose ta shtypni këtë histori,  
nëse nuk do ta shitni.

1

Persia, një komb i fuqishëm, sundonte botën. Dhe Mbreti Artakserks, sundonte Persinë. Kjo e bënte atë sundimtarin më të fuqishëm të botës.

Një nga ndihmësit e rëndësishëm të mbretit ishte një burrë Jude i quajtur Nehemia. Puna e tij ishte të provonte ushqimin e mbretit për ta mbrojtur atë nga ndonjë helmim i mundshëm.



2

Një ditë, Nehemia erdhi përpara mbretit me shumë trishtim që i tregohej në fytyrë. Mbreti donte të dinte arsyen e trishtimit të Nehemias. "O mbret, jetofsh përjetë", tha Nehemia. "Unë jam i

trishtuar, sepse qyteti ku janë varrosur etërit e mi, është në gërmadha dhe dyert e tij janë djegur". Nehemia po fliste për Jerusalemin, që ishte shkatërruar nga lufta shumë vite më parë.



3


Mbreti Artakserks pyeti, "Çfarë dëshiron të bësh"? "Më jep leje për të shkuar në Jerusalem për ta rindërtuar", iu lut Nehemia. Mbreti Artakserks me shumë kënaqësi pranoi. Për më tepër, ai i dha

Nehemias letra zyrtare për mbrojtjen e tij gjatë udhëtimit.



4

Mbreti ndihmoi edhe më shumë. Ai i dha Nehemias një letër për Asafin, rojtarin e pyjeve të mbretit. Urdhëri për Asafin ishte që ta furnizonte Nehemian, me të gjithë lëndën drusore që do ti nevojitej për ndërtimin e mureve të qytetit.



5

Kur Nehemia mbërriti në Jerusalem, ai mbledhi zyrtarët e qytetit dhe u tha, "Jemi në telashe këtu. Qyteti është në gërmadha, dhe dyert e tij janë shkru mbuar. Le të fillojmë rindërtimin". Ai u tha atyre, se Mbreti Artakserks kishte dhënë aprovimin e tij, dhe përmbi të gjitha Perëndia

ishite në anën e tyre.



6

Besimi dhe entuziazmi i Nehemias i frymëzoi njerëzit. Ata pranuan, duke thënë, "Le të rindërtojmë". Nehemia i tregoi çdo familjeje, se cilën pjesë të murit duhej të riparohet.



7

Por, jo të gjithë dëshironin ndërtimin e mureve. Një njeri i quajtur Sanballat, dhe dy shokët e tij Tobia dhe Geshemi, nuk ishin

Judenj; ata nuk dëshironin që muret të



ndërtoheshin dhe as që dyert të rregulloheshin.

8


Ndërsa puna vazhdonte, Sanballati u zemërua shumë. Ai dhe shokët e tij, i tallnin Judenjtë. Tobia tha, "Kur ata të mbarojnë këtë farë muri, një dhëlpër e vogël do ta rrëzojë". Nehemia nuk u përgjigj. Përkundrazi, ai u lut që të ishte Perëndia, Ai që të merrej



me këta njerëz të ligj.

9

Kur fyerjet e tyre tallëse nuk patën asnjë rezultat, ata bënë një komplot që të luftonin kundër Jerusalemimit dhe të bënin rrëmujë sa më shumë që të mundeshin. Përsëri, Nehemia iu lut Perëndisë për ndihmë. Ai gjithashtu, vuri roje ditë e natë, që të mos ziheshin në befasi.



10

Judenjtë punonin aq shumë, sa po rraskapiteshin. Disa druheshin se armiqtë do ti sulmonin dhe vrisnin ndërsa ata punonin. Megjithatë, Nehemia nuk e ndaloi punën. Ai vuri roje rreth punëtorëve dhe u kujtoi atyre që Perëndia ishte me ta, dhe Perëndia është më i fortë se armiku!



11

Nehemia, u përpoq të jetë shembulli i përsosur.



Mbreti Artakserks, e kishte bërë atë qeveritar të Jerusalemimit, me të drejtë për të kërkuar ushqim dhe para nga njerëzit; por Nehemia nuk e bëri këtë.

12

Përkundrazi ai jo vetëm që punoi përkrah ndërtuesve të mureve, por edhe shpenzoi vetëm nga paratë e tij për të blerë ushqimin që i nevojitej.



13

Më në fund njerëzit e mbaruan punën e mureve, dhe vetëm dyert kishin mbetur për tu vendosur në portat kryesore. Kur Sanballati, Tobia dhe Geshemi dëgjuan që të gjitha të çarat ishin riparuar, ata vendosën ta vrasin Nehemian.




14

Ata dërguan mesazhe për Nehemian, që të takoheshin në një vend të quajtur Ono. Por Nehemia e dinte që ata po përpiqeshin ta mashtronin, për ta nxjerrë nga qyteti dhe për ta vrrarë. Ai u dërgoi atyre një letër duke iu përgigjur se nuk mund të linte punën për tu takuar me ta.



15

Më në fund muri u rindërtua



dhe Nehemia vendosi roje për ta mbrojtur.

16

Ai gjithashtu urdhëroi,




që dyert

e qytetit të mos hapen përpara lindjes së diellit.

17

Dyert duhet të qëndronin të mbyllura



dhe të kyçura mirë përgjatë gjithë natës.

18

Tani që qyteti ishte i sigurtë, shumë prej Judenjve të internuar në vende të tjera të botës u kthyen në Jerusalem. Nehemia e ndjente veten tepër të lumtur që kishte mundur të mbaronte punën për të cilën Perëndia e kishte dërguar; pavarësisht gjithë vështirësive.



19

Për aq kohë sa qëndroi në Jerusalem, Nehemia e nxiti popullin vazhdimisht që ti bindej Perëndisë.



20

## Muri i Madh i Nehemias


Një tregim nga Fjala e Perëndisë, Bibla

e marrë nga

Nehemias

"Zbulimi i fjalëve të tua ndriçon dhe u jep mendje njerëzve të thjeshtë."  
Psalmet 119:130

21



35



60

22

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatet është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu:

Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

23